



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

9. Adulteria tam á ciiali, quàm ab Ecclesiastico magistratu grauissimè punita.

urn:nbn:de:hbz:466:1-45686

Val. Max. lib. 6. cap. I. sum gladio confodisse? Exercitu & copijs Gallogrecorum à Cn. Manlio consule, in Olympo monte ex parte deletis, ex parte capi, Orgiagonis reguli uxoris mira pulchritudinis à centurione, cui cuncta dienda tradita erat, stuprum pati coacta: postquam ventum est in eum locum, in quem centurio, missa nuncio, necessarios mulieris pri- tum, quo eam redimerent, afferre iussérat: Aurum expedente cen- turione, & in eius pondus animo oculisq; intento, Gallogracis linguis gentis sua imperauit, ut eum occiderent. Interfecti deinde caput ab scissum manibus retinens ad coniugem venit: abiectoq; ante pedes eius, & iniuria & vltionis sua ordinem exposuit. Huius femina quid alius quisquam, quam corpus in potestatem hostium venisse dicat? Nam neque animus vinci, nec pudicitia capi potuit: inquit Valerius. Ad- do ego, eam, priuata vltione, docuisse, quid adulteris, publi- ca authoritate, debeatur: quæ authoritas, si officio suo defit, diuinam non effugiet potestatem. Et sanè quotidianum est, vi Index judicium mereatur.

IX.
Bonif. ep. 23.
ad Theobal-
dum Anno
Christi 170.

Cranz. lib. 4.
Sax. cap. 26.
Genebr. in
Chron. l. 4.

Refert Bonifacius Apostolicæ sedis legatus, in antiqua Saxoniam, si virgo paternam domum, vel si mulier maritata ma- trimonij foedus adulterio maculauisset; coactam sua sibi ma- nu laqueum iniucere, vitamque sibi suspendio adimere: super bustum autem illius concrematæ corruptorem quoque illius appensum fuisse: vel collecto feminarum agmine, per pagos villasque, circumactam, virgis, flagris, cultellis, usque ad mor- tem, laceratam; ut fert & flamma, in documentum aliorum neque Deum, neque fidem, neque castitatem curantium, adul- terium vindicaretur. Tantus tunc pudicitiae zelus erat, ut Cupidinis ignem, Vulcani igne expiant. Qua de causa etiam Cranzius memorat, Anno 195. Mariam regis Aragonum fa- liam, Imperatricem Ottonis tertij uxorem, ob fidem marito non seruatam, publicè flammis traditam atque combustam es- se. Nunc à multis dubitatur, an vel de triuio, aut in ponte le- dentes anus, quæ cum ipso dæmonे adulterauerunt, rogo de- beantur. In militibus autem crimen veniale, &c, ut vocant, peccatuum est, si coniugem alterius violavit. Olim Aurelianus Imp. militem, qui adulterium, cum hospitis uxore commiserat,

ita puniuit, vt duarum arborum ramos, magna vi, ad terram inflexos traheret; ijsque militis pedes alligaret. Ita varice astrictum, repente laxatis ramis, sursum dimisit, vt in duas partes diruptus, vtrinque medius penderet. Hoc habuit, qui matrimonium diuisit. Constantinus Imp. ad Catullinum rescribens, jubet sacrilegos nuppiarum, tanquam manifestos parciadas, insui culeo viuos, vel exuri. Apud Cæsarem Baronium, in Alemannia, Otto Comes, à Ludouici Comitis (cuius vxorem publicis nuptijs, eo viuente, sibi nefandissimè copularat) militibus decollatus est. Hunc Constantiensis Episcopus, non solùm excommunicauerat viuum, sed etiam eum postea, apud monasterium in prædio ipsius constructum, à suis sepultum iusfit iterum effodi atque sepulturâ asini sepeliri. Denique *in lege Moyses mandauit huismodi lapidari*. Et Ecclesiastica lege, *impeditum criminis* est, si quis cum ea coniugium ineat, quam adulterio polluit, non tantum quando adulter procurauit mortem coniugis suæ, vel mariti adulteræ, vt eam in vxorem ducere posset: vel si adultera procuraret mortem viri sui, vel vxoris adulteri, morte vera secuta: sed etiam si adulteri sibi innicem dederint fidem de matrimonio, inter se contrahendo, post mortem vxoris adulteri, vel mariti adulteræ. Quantæ autem talibus olim impositæ sint poenitentiaz, quantasque etiam hodie mereantur, prolixum esset differendi argumentum.

Sic ergo ciuilis, sic Ecclesiasticus censuit magistratus judicandum, quia sciebant, se quoque & justicias suas à judice altiore judicandos, juxta illud: *Deus stetit in Synagoga Deorum, in medio autem Deos diuidicat*, hoc est, *judices*, qui quemadmodum Deus Mundum gubernat, & in manu sua habet vitam & mortem nostram, ita & ipsi orbem regunt, ac habent vitæ necisque potestatem. Itaque si videt scelerum impunitatem, clamat è cælo: *Visquequò indicatis iniquitatem, & faciem peccatorum su- mitis?* Quem locum ita intelligit D. Hieronymus: *Quando venerit ad vos judicium, non consideratis causam, non consideratis judicium, sed personas eorum, qui causas habent;* ac si dicat: *si ve- nerit pauper habens negotium inflatum, & venerit habens negotium nequam, vos personam accipitis, non negotium.* Itaque usquequò

Ggg 3

judicatio

Io. Naucler.
vol. 2. Chron.
gener. II.
Anno 176.

L. 4. Quorum
appell. C.
Theod.
Baron. tom.
II. An. 1039. 4.

Ioan. 8. 5.
In cap. super
hoc, de eo,
qui duxit,
quam &c. 2.
Et can. Rela-
tum 31. q. 3.

X.

Psal. 81. 1.
Psal. 81. 2.